

# Деед Берлинä полицин татджах ааль

БЕРЛИН. (ТАСС). ГДР-н арви джилин õбнд нерäддж балгъсна тõмр хаалгъин вокзалмудин гермүд деер болн ГДР-н тõмр хаалгъин залврин медлд ордг, Деед Берлинд бääх мастерскойс деер Германия Демократическ Республикин государственн туг õлгсиг, Деед Берлинä полиц буулгъхар ааль татв. Церглäчнр бурушагъа бääсн бийнь, полицин ик харулмуд балгъсна тõмр хаалгъин вокзалмудин гермүдүр күчär ордж ирäd, ГДР-н государственн тугиг таслдж хайв. Зäрм вокзалмудт Деед Берлинä полицейскс чидл үзүлäd, терүнä

ашд вокзалин зäрм церглäчнр шавтад, госпиталүр йовулгдв. Тугмудин зäрминь полицейскс таслв.

Болсн бийнь тõмр хаалгъин вокзалмудин церглäчнр күчлдж сõрлцлгъ кеснä ашд, Деед Берлинä полиц эврәннь ааль татгч үүлдврән зогсах зõвтä болдж гарв. АДН агентствин темдглдж сонъсхсар болхла, государственн 30 туг урдк кевтән балгъсна тõмр хаалгъин зäрм вокзалмудин гермүд деер болн Деед Берлинд бääх тõмр хаалгъин мастерскойс деер делсä бääнä.